



*Le scenar dla lüsa alta se é sposté tratan l'ultim fin dl'edma a Latzfons sön la pista "Lahnwiesen", ulach al é gnü tigní i campionac provinziail che cunta ince por la cualificaziun ai campionac mondial t'l'Austria.*

I campionac provinziail é uramai n apuntamënt tradizional tl sport dla lüsa alta. In chësc ann é la sezion dla lüsa da Latzfons che s'à tut sö l'impegn de organisé la competiziun, che é ruvada a süa ventunejima ediziun. N gran lâlt por l'organisaziun y la pista arjignada ca te condizuns otimalas por garejë.

I atlec ladins prejenc à indo fat bela parüda, ruvan ince plö iadi sön podest. Pro les miûs apirantes é indo l'atleta Manuela Rubatscher che pó festejë le 2° plazamënt dan da les döes atletes da lungiarü Nagler Luisa y Ladstätter Greta. Al medemo post se posizionëia Brunner Shamira che se fej sciampé dant dala talentada Kaser Martina da Lijun. N'atra bela sodesfaziun tla categoria cuccioli po' se tó Brunner Philipp cun la medaia de brom. Chilò i atri resultac di atlec da La Val: 7° post por Peccei Lukas tla categoria ragazzi, pro i alievs röia i fredesc Serafini Daniele y Lorenzo respetivamënter al 11° y 14° post, pro i aspiranc fej Ploner Alex le buniscimo setim tēmp, 5° post por Miribung Carlo pro i master B y 4° post por Knollseisen Kurt pro i master A, Rubatcher Florian fej ciamó le 8° plazamënt pro la categoria seniors. I atri resultac di atlec da Lungiarü: 10° post Gatta Damian y 16° post Monthaler Tobias pro i aspiranc, 6° Preindl Peter pro i juniores.

Le miù tēmp dl dé pó gní mostré sō dala campionëssa dl monn in ciaria Theresa Hilpold pro les ëres, da Roman Kaser da Lijun pro i ëi y dai fredesc Lambacher tl dopl. No ma le miú tēmp mo ince le record dla pista é gnü mioré in chësc dé da chisc ultims atlec, che tigní bót dai campionac europeics dl 2013 inca. Le mioramënt dl' atrezatüra y le perfezionamënt di alenamënc fej pro chisc progresc dessigü sūa pert.

Do chësta gara pon bel prejenté i prüms atlec cualificá ai campionac dl monn a Oberperfuss, de chisc fejl pert Manuela Rubatscher y Shamira Brunner dla squadra da La Val y Luisa Nagler dla squadra da Lungiarü. A se compliché la qualificaziun pro l'ultima gara é sta Carlo Miribung, Kurt Knollseisen y Florian Rubatscher, che se süga le post al alenamënt ofizial a Oberperfuss.

Chësc fin dl'edema y le proscim gnarà tigni la terza y la quarta gara de Raika Jugendcup, plö avisa a Latsch y Ried in Tirol. Por l'apuntamënt tan aspeté á i atlec tēmp fina le fin dl'edema di 12-13-14 de furá por i campionac mondiali a Oberperfuss tl'Austria.

I plazamënc dla 21ejima ediziun di campionac provinzial a Latzfons ciafen chilò: [risultati](#)

Por deplö informaziuns, por ci che reverda resultač, novitês y le program dla lûsa pon vijité la plata internet sot a chësc linch: <http://www.sportrodel.it/>





Por atres foto: [Dropbox](#)

